



| 敬致楊逵及太陽花

玫瑰花 紅記記

為台灣 拚生死

目屎流 目屎滴

石頭誓袂死 花蕊

開向 台灣民主的春天

百合花 白泡泡

花開中正廟佾街頭

欠人照顧的野百合

用智慧 弄破萬年體制

封殺 鎮砧的死豬皮

日頭花 有夠濟

開佇 台灣的街頭巷尾

為著 人民的腹肚

頭擋 木棍佾水龍

面皮染成血色 日頭花

一

詩心，掛佇火車 搖啊搖

搖過嘉南平原 搖到

後山日先照 層層

疊疊的山

掛一粒「豬」心，佇火車

享受老歲仔時的清閒

享受予人指指揆揆的

十八趴（pha）炆著做陣勞苦的伴

二

火車頂《笠》仔底

看著 你是一條番薯

彼種予人煎 煮 烤的日子

葉仔 愛閣飼豬的 悲慘

心情 親像車窗外的青仔欖

無話無句 鬱卒

一粒詩心 掛佇火車

港都的詩震動 文學台灣

鄭醫生 番薯 毋驚落土爛

入土 枝葉再生淚 淚甲

美麗島車站 開菊花

火車過潮州 便當

有落山風的滋味

看陳冠學 《田園之秋》

平原 檳榔 芎蕉 滿滿是

陳達 愛唱的〈思相枝〉

電影 《海角七號》

〈車過枋寮〉 中國詩人嘛

看見 台灣的檳榔

伊只是 哺哺著吐掉

福爾摩沙頌歌

若是到恆春

罩霧的山崙 親像

姑娘的溫存

火車 駛入沙城

左手月 山恬恬坐咧看海

正手月 海湧一波一波衝

海湧 多彩的變化

想起 太麻里八八水災

彼層製造車禍的 故事

淒淒慘慘的 東海岸

三

踏入 黑樹林揣詩的種子

掛一粒詩心 佇東海岸

享受太平洋吹來新鮮的

風 揣著湖水彈琵琶

鳥隻 唱袂煞的歌聲

黑色林內 用詩當做補腦丸

當做 洗清煩惱安眠藥

修行 心靈的萬靈丹

黃昏 到鹿野的懸地 行一盤

龍田村式的軍棋 一格一格

行棋粒的田園 是上帝創作景致

想欲聽鹿仔吼聲

揣無身影 倒入鹿鳴酒店

聽著山地姑娘的歌聲 山地勇士的

舞影 稀微的星光中睏去

四

彎彎曲曲行入楊南郡冊中

八通關的古早路 瓦拉米

瑞穗 蜜香紅茶 小綠葉恰農民的汗

行過太魯閣 九彎十八幹

去水簾洞 揣孫悟空 立霧溪

攪滾 水花 雲霧 花語 鳥聲

宜蘭 日頭漸漸落落山

黃春明筆下的戇欽仔

看海日子堅強的白梅

散赤人 食蘋果的滋味

小說家 火車頭搬著一齣一齣

精彩囡仔戲娛樂家己

戲齣 解說人生滋味 火車

閃爍台北市 行向西海岸

回鄉去……